

女科輯要

子仙珍藏

序

有濟人之心而無濟人之術則其心窮有濟人之術而無濟人之心則其術亦晦古人云不爲良相當爲良醫醫比於相醫誠濟人之要術也顧今之爲醫者非必深究乎寒暑陰陽之辨也非必精審乎表裏虛實之分也無疾痛切身之誠輕心嘗試幸而中則詡詡自負爲良醫不然則偏於攻而元氣傷矣不然則偏於補而餘邪伏矣又不然則據其一二經驗方秘爲己有不輕以示人是其操術未必能精而用心又

不能公且溥於世何賴焉卓人周君則不然周君治
申韓學初不以醫名然醫之精實與幕等嘗論醫之
有方猶幕之有律醫不可強病以就方猶幕不可移
情以就律故其爲醫也必剖析原委斟酌毫釐而後
用藥猶其治幕必推求顛末詳察情事而後定案也
不矜才不使氣不憚煩瑣不畏疑難務求真知灼見
平易中正爲歸幕如是醫亦如是由是病者遇周君
而得痊猶訟者遇周君而得理也緣佐治繁劇不能
廣其醫因取古人方書最純者博觀約取酌乎其中

手錄成集凡若干卷將爲斯世贈慈邑張易齋明府
見而善之先刻其女科輯要八卷以行世余曰嘻是
真有濟人之術而能公濟人之心者也吾知是書出
世必爭寶之其所以安閨閫保嬰赤者豈淺鮮哉顧
神明而變通之則存乎其人若泥方以求病不因病
以考方又非周君意也余旣稔知周君之醫之精而
又樂是書之成故不辭而爲之序

道光四年孟秋下澣南海李可瓊書於四明道署



序

卓人周君山陰諸生也庚午夏余識君于浙江柏署知其優于申韓而不知其精於岐黃也是秋余承乏勾章聘延入幕相與莫逆每見君案牘之餘手不釋卷筆不停書于是始知君之潛心醫學十有餘年自內經本草以及名家方論無不融會貫通撮其綱領擷其精華分門別類鈔錄成編而其中女科輯要尤爲婦女所必需無方不妙無藥不靈誠女子之金丹醫宗之寶鑑也古人云不爲良相當爲良醫周君是

編其殆良醫之意歟秘之枕中何如公之天下慙慙
再三謀付剗劂值癸酉冬余解餉赴豫差旋引疾周
君歷游江浙爲當道爭迎未遑付梓壬午夏余坐補
慈谿自潤州招君佐理剪燭西牕快聯舊雨出是編
而重輯之益加精粹遂梓行焉將見玉函金匱人人
珍倉鵲之書無論蓬戶朱門世世衍螽麟之慶其濟
世之功豈淺鮮哉是爲序

道光歲次癸未春三月長洲張久照題

自序

婦人之病異于男子者惟經脉胎產耳經脉非病也而不調則病矣胎產非病也而不安不順則病矣治之大法不過審其虛實寒熱調其氣血陰陽而已近代名醫首推景岳其婦人規議論精深主于溫補蕭山竺林寺秘傳產科爲越中巨擘其調經論與胎前產後諸證設爲問答以施方藥大約祖法丹溪主于滋養合二書而貫通之自無偏執之患故余摘要鉤元刪繁就簡并採輯羣書以及達生編名人方論纂

女科輯要
爲一冊分列八卷名曰女科輯要易齋張明府見而
善之愆恩付梓爰記數語于簡端以示濟世之意云
爾

道光三年三月上浣山陰周紀常書於慈湖官舍

女科輯要

凡例

一是編專爲婦女而設自經脈胎產以至雜病簡而明約而賅各以其類求之瞭如指掌

一諸論中緊要精切處用密圈。○○次用密點、、

餘用單圈。其方名用尖角△藥味用單點、所

以分句讀而清眉目

京本問奇選新條未編具載

一論中引用各方與論外備用各方彙緝兩卷間有附于本條下者因其專治一證照原本錄之各方

藥味有分兩者照原方詳註無分兩者隨時隨證酌用可耳

一是編採輯方論悉從原本間有數條稍叅鄙見加按字于後以質高明

一醫書汗牛充棟博而精斯神而明是編爲不時之需救急之用非謂窺豹一斑即可名世識者諒之

一婦女莫重于胎產胎前產後保養之法惟達生編爲最妙如法行之自無小產難產之患他如安胎催生生化諸方有斡旋造化之功補助陰陽之妙

勿以平淡而忽之

一是編所採方論培補者十居八九剋伐者十無二
三非偏也蓋婦人胎前產後以大補氣血爲主實
古今不易之定論對症服藥放心勿疑

女科輯要

山陰周紀常卓人纂輯

目錄

經脉類

卷之二

經脉之本

經脉諸臟病因

婦女調經論

丹溪治月經活套

調經雜說

血熱經早

血寒經遲

血虛經亂

腎虛經亂

經期腹痛

血枯經閉

殺血心痛殺去聲減少也

白濁白淫

居經

寡婦師尼異治

胎孕類 卷之二

胎孕

胎前產後治法

胎動不安

崩漏

帶下淋濁

經水異色

月經逆行

胎脉

惡阻

妊娠傷寒

傷寒熱病護胎法

氣虛發熱

風寒發熱

口禁吐沫

胎漏

子腫

泄痢清水

嘔吐泄瀉

子煩

胎痛

子懸

子淋

子癰

小便帶血

遺尿

胎水

婦人無子及孕後治法

數墮胎

鬼胎

妊娠藥禁

戒落胎救母

婦人無子脉證治法

灸法

轉女爲男法

受胎論

五不男五不女

異產

產育類 卷之三

滑胎

催生

氣脫血暈

子死腹中

產後諸病

損破尿胞

蓐勞

產後喘促

產後發瘧

小產

下胎斷產

產後血衝血崩

先期欲產過期不產

子宮不收

竺林寺產科 卷之四

調經問答

胎前問答

產後調理法

產後問答

十月胎形

達生編 卷之五